

Kerajaan tingkatkan penguatkuasaan agar subsidi bersasar capai sasaran

PM: Kita tak berdiam diri

UM - 19/7/2022 w/s: 1

Oleh OMAR ZIN

utusannews@mediamulia.com.my

KUALA LUMPUR: Kerajaan akan meningkatkan penguatkuasaan bagi memastikan keberkesanan pelaksanaan subsidi bersasar namun tidak akan menindas golongan berpendapatan kecil.

Perdana Menteri, Datuk Seri

Ismail Sabri Yaakob berkata, terdapat beberapa faktor yang menyebabkan subsidi bersasar tidak dapat dilaksanakan dengan berkesan, termasuklah pemberian subsidi terhadap minyak masak berpeket.

“Yang susah nak kawal, minyak masak peket untuk kegunaan rumah tetapi pengusaha-pengusaha

restoran besar menggunakannya dan satu lagi agak sukar nak kawal. Tak sampai hati nak ambil tindakan terhadap mak cik-mak cik yang jual goreng pisang.

“Mereka tak boleh gunakan minyak masak untuk kegunaan jual goreng pisang, itu salah. Sebab minyak masak peket tidak boleh guna untuk komer-

sial, tapi adakah penguatkuasaan saman mak cik atau rampas minyak masak mereka?

“Nanti dituduh kita zalim pula kepada rakyat yang miskin ini yang nak menjual, kais pagi makan pagi.

“Jadi, bukan sesuatu yang mudah, ada perkara yang perlu dipertimbangkan, tetapi percaya-

lah kerajaan tidak berdiam diri dan Perdana Menteri tidak boleh dikatakan tidak melakukan apa-apa tindakan. Insya-Allah kita akan lakukan yang terbaik untuk kepentingan negara,” katanya dalam sesi pertanyaan lisan di Dewan Rakyat, semalam.